



## CONCELLO DE MARIN

### BASES CONCURSO-DESFILE DE ENTROIDO 2020

1º.- O Concello de Marín publica as bases para participar no Concurso-Desfile, acto principal do "Entroido 2020", que se vai celebrar o domingo 23 de febreiro de 2020. O ámbito competencial de referencia para xustificar a intervención municipal sostense na previsión contida no artigo 25.2.m) en relación á promoción da cultura e equipamentos culturais, da lei 7/1985, reguladora das bases de réxime local.

A concentración dos/as participantes será ás 16:00 horas na praza do Regueiro. As 17:00h iniciarase o desfile polas seguintes rúas: Praza do Regueiro, Avda. de Ourense, Praza de España, Rúa Almuiña, Avda. Jaime Janer, Rúa Concepción Arenal, e ao chegar ao Parque Eguren rematará.

Ó remate, no Parque Eguren, o xurado dará a coñecer os/as gañadores/as dos premios, elixidos entre aqueles que ademais do disfraz transmitiran a súa ledicia, troula e ánimo propios do Entroido ao longo do percorrido.

2º.- Poderán participar todos os que se inscriban nalgunha das seguintes categorías:

- Individuais
- Parellas
- Grupos
- Comparsas

Non se poderán inscribir en máis dunha categoría.

Das 16:00h ás 16:45h habilitarase unha mesa de inscrición, nas inmediacións da praza do Regueiro.

3º.- Contía dos premios:

PREMIOS	INDIVIDUAIS	PARELLAS	GRUPOS	COMPARSAS
1º.	125,00 €	225,00 €	800,00 €	1.200,00 €
2º.	75,00 €	125,00 €	700,00 €	900,00 €
3º.	50,00 €	100,00 €	600,00 €	600,00 €
4º.	---	---	500,00 €	400,00 €
5º.	---	---	400,00 €	300,00 €
6º.	---	---	300,00 €	200,00 €
7º.	---	---	200,00 €	---
8º.	---	---	150,00 €	---
9º.	---	---	100,00 €	---

4º.- As comparsas non acollidas ao acordo, que se inscribiren a partir do martes 04.02.2020 e ata o xoves 20.02.2020, no Museo Municipal Manuel Torres, en horario de mañá de martes a domingo de 11:00 a 14:00 h e de martes a venres de 18:00 a 21:00h **poderán acceder a algunha das 5 axudas de 100 €, se non gañaran premio ningún.**

O importe máximo dos premios, anteriormente referidos, a repartir será de 8.550,00 €. O pago farase en efectivo ou cun cheque do importe exacto do premio que se entregara o mesmo día.

Para contías superiores a 300,00€ cando un perceptor sexa persoa física reterase o previsto na normativa de aplicación.

5º.- Non se poderán inscribir no concurso as comparsas marinenses nin os seus compoñentes, que acordaren as actuacións co Concello para animación das rúas de Marín e as parroquias durante o Entroido.

6º.- Nos concursos puntuarase de 0 a 5 puntos de acordo cos seguintes criterios:

Individual	} Orixinalidade	
Parella		} Vestiario
Grupo		} Actitude
Comparsa		} Ritmo e animación.

7º.- Os rapaces e rapazas de menos de 14 anos poden desfilar pero sen optar a premio neste desfile.

8º.- Estas bases estarán a disposición de calquera persoa no Museo Torres, no Concello de Marín, e na [www.concellodemarin.es](http://www.concellodemarin.es). Asemade da súa difusión nos medios de comunicación.

9º.- Por razóns de seguridade non se desfilará con animais sen a previa autorización por parte da organización.

#### REQUISITOS PARA SE INSCRIBIR COMO COMPARSA:

- Estar composta, como mínimo, por 25 compoñentes disfrazados.
- Levarán, no desfile, música en directo, con ritmo, acompañada de coreografía (baile), durante todo o percorrido.
- Non se poderá interpretar con instrumentos eléctricos ou electrónicos, non se poderá amplificar o son mediante dispositivos que funcionen con enerxía eléctrica, nin reproducir música gravada. Non se entende como música tocar un instrumento (tambores, timbais, etc.) sen sentido do ritmo, facelo soar de calquera maneira, nin se entende como baile ir brincando ou correndo dun lado para outro, ou que se realice de forma individual e ao libre albedrío de cada un dos compoñentes da comparsa.
- O vestiario deberá ser vistoso, colorido, orixinal e acorde en todos os membros da comparsa ao motivo que representa. Non se considera como vestiario de



## CONCELLO DE MARIN

comparsa que cada un dos seus membros vista de calquera xeito, agás que o motivo representado así o esixa.

- Deben desfilar a pé un mínimo do 70% dos compoñentes inscritos, durante todo o percorrido.
- A documentación necesaria para se inscribir como comparsa:
  - Folla de inscrición debidamente cuberta.
  - Copia do DNI do representante da comparsa.
  - Declaración xurada de non perseguir coa actividade finalidade lucrativa algunha.
  - Certificación de atoparse ao corrente das súas obrigas fiscais e coa Seguridade Social.
  - No caso de ser asociación rexistrada, nº de rexistro; no caso de non o ser, folla de firmas cuberta e completa segundo o anexo 1.

### REQUISITOS PARA SE INSCRIBIR COMO COMPARSA DE MARÍN

Para optar ao cobro sen participación en concurso, a comparsa debera cumprir, ademais dos requisitos esixidos na inscrición de comparsa, os seguintes:

Estar composta polo menos nun 60% de residentes ou censados no concello, o que se acreditará cubrindo a ficha de inscrición con nome, apelidos, data de nacemento e DNI de cada un/unha dos/as compoñentes, que será presentada con antelación no Museo Manuel Torres.

### Pago ás comparsas de Marín

As comparsas de Marín poderán acordar co concello as súas actuacións cun pagamento único por unha contía de 1.700,00 € se participan nos seguintes actos:

Modalidade de participación para as comparsas de Marín		IMPORTE
1	Mañá: música, baile e paseo, Domingo 23 de febreiro na Alameda	100 €
2	Tarde: desfile Marín, Domingo 23 de febreiro	1000 €
3	Desfile Seixo . Sábado 29 de febreiro, ás 17:00h.	200 €
4	Desfile San Xulián. Domingo 22 de marzo ás 17:00h.	200 €
5	Enterro da Sardiña. Mércores 26 de febreiro	200 €
Total.....		1700 €

No caso de non iren ao desfile de Seixo, ao desfile de San Xulián, ou ao enterro da Sardiña, descontaranse 200 € por cada unha das actuacións, sendo 100€ no caso de non asistir o paseo da mañá.

A contía máxima dos premios a repartir será de 5.100 €, contando cun máximo de 3 comparsas marinenses. No caso de que o número de comparsas de Marín

preinscritas supere o límite establecido, o comité de festexos resérvase o dereito de seleccionar as comparsas participantes neste acordo.

Para contías superiores a 300,00€, cando un perceptor sexa persoa física, reterase o previsto na normativa de aplicación.

### REQUISITOS PARA SE INSCRIBIR COMO GRUPO

Ademais dos requisitos esixidos na inscrición deberá cumprir os seguintes:

Deberá compoñerse polo menos por 3 persoas maiores de 14 anos.

O grupo, no seu conxunto, debe facer alusión a un tema concreto.

O vestiario e demais accesorios deben representar o tema elixido.

Poderán desfilar a pé ou en plataformas móbiles.

Poderán ir acompañados de música ou son gravado.

### REQUISITOS PARA SE INSCRIBIR COMO PARELLA

Ademais dos requisitos esixidos na inscrición deberá cumprir os seguintes:

Ámbolos disfraces deben estar relacionados cun mesmo motivo.

### REQUISITOS PARA SE INSCRIBIR COMO INDIVIDUAL

Ademais dos requisitos esixidos na inscrición deberá cumprir os seguintes:

Ir disfrazado e desfilar con ledicia e troula transmitindo enerxía.

### XURADO

Estará presidido por un funcionario municipal, ademais da concelleira de Cultura e de outros membros que se integran no eido socio-cultural.

A Comisión do Entroido, ou as persoas nas que esta delegue, terán a facultade de **descualificar a calquera participante**, das distintas categorías, se rematado o desfile se demostrar que incumpriu algunha das bases. Asemade, pode anular o pago total ou parcial a unha comparsa se aprecia que a mesma non cumpre cun mínimo de membros da formación en cada actuación (non poderán faltar máis dun 10% dos/as seus/súas compoñentes) así como cumprir cuns mínimos de calidade en canto a vestiario, música, baile, carroza etc.

### CLIMATOLOXÍA

No caso de mal tempo, a comisión poderá aprazar o desfile para outra data ou suspendelo definitivamente.

Para máis información no Museo Municipal M. Torres, tfno.: 986 891 186 .

Correo E. : [museo.torres@concellodemarin.es](mailto:museo.torres@concellodemarin.es).

E na páx Web: [www.concellodemarin.es](http://www.concellodemarin.es)

Marín, Xaneiro 2020.